

Celebracion 18 di Maart 1991

ORANJESTAD(AN)-- Comision himno y Bandera ta recorda e comunidad Arubano especialmente nos autornan y declamadornan cu lo ser organiza un festival di poesia y declamacion relaciona cu promer Lustro Status Aparte y Tercer Lustro Himno y Bandera.

Na e festival aki por participa hobennan y adultonan y mester declama un poesia cu no a ser publica ainda.

E intencion ta pa publica poesianan di Aruba den un buki.

Tambe e tres ganadornan lo participa na e manifestacion cultural ariba 18 di Maart.

E tema ta liber. lo huzga den categoria infantil/hubenil y tambe den categoria di adultos.

Por participa cu poesia existente pero cu no a ser publica

antes den buki.

Por haci uso di expresionnan manera baile, musica y teatro pa participa na e festival.

Interesadonan tanto autornan

como declamadornan, por tuma contacto cu miembronan di Comision Himno y Bandera na Instituto di Cultura, Biblioteca Nacional y Servicio Informativo.

Durante e dianan di fiesta cu a pasa e miembronan di Comision Himno y Bandera a constata cu nos hendenan local a usa nan talento creativo pa traha

decoracionnan di pasco dorna cu luznan di color.

E decoracionnan aki a haya atencion di henter e comunidad Arubano.

E comision a dicidi pa otorga premio na e casnan cu durante e periodo di 10 pa 18 di Maart proximo.

E comision ta spera di por conta cu cooperacion y participacion di tur esnan concerni pa traha decoracionnan cu luznan di color dedica na simbolonan di union y libertad esta Himno, bandera y Escudo.

E comision ta trahando ariba e programa pa celebracion di tercer lustro Himno y Bandera y promer lustro Status Aparte cu lo ser celebra den tur barrio ariba nos isla dianan 17 y 18 di Maart proximo.